

Ծ Ր Ա Գ Ի Ր

ՔԱՀԱՆԱԹԱՑՈՒՆԵՐԻ ԸՆՏՐՈՒԹԵԱՆ ԵՒ ՊԱՏՐԱՍՏՈՒԹԵԱՆ ԿԱՆՈՆՆԵՐԻ

Ա. Քահանայացուների ընտրութիւնը.

1. Իւրաքանչիւր հայ-յուսաւորչական համայնք, քաղաքներում և գիւղերում որչափ էլ փոքրաթիւ լինի, կարող է իւր սեպհական քահանայ ունենալ:

2. Երկրորդ քահանայի խնդիր կարող է յարուցանել այն համայնքը, որն ունի 250—300 ծուխ (մատաղաբաժնով), իսկ այնուհետև իւրաքանչիւր աւելացած 150 ծուխը կարող է ունենալ նոր քահանայ:

3. Եթէ համայնքը քահանայի կարեւորութիւն ունի՝ համախօսականով դիմում է ուղղակի միայն վիճակային Կոնսիստորիային, ցանկութիւն յայտնելով իրանց քահանայացուի ձեռնադրութեան համար և միաժամանակ ուղարկելով քահանայացուի ուսման սահմանուած վկայականը համաձայն սոյն կանոնների 16, 17 և 18-րդ յօդուածների և վկայական գործակալից, թէ համայնքը քանի ծխից է բաղկացած ու քանի քահանայ ունի:

Ծանօթութիւն. ա) եթէ վիճ. Կոնսիստորիային չէ ուղարկուած քահանայացուի սահմանուած ուսման վկայականը, այդ դէպքում համայնքի խնդիրը մերժուած է Կոնսիստորիայի կողմից:

բ) եթէ քահանայացուն նախ քան ընտրութիւնն ունի միայն Բ-րդ կամ Գ-րդ դասարանի վկայական առանց լրացուցիչ քննութեան վկայականի, վիճ. Կոնսիստորիային ընթացք է տալիս ընտրութեան գործին, ապա ընտրութեան գործերը ստանալուց յետոյ պահանջում է նաև քահանայացուի լրացուցիչ քննութեան վկայականը համաձայն 16-րդ յօդուածի:

4. Վիճ. Կոնսիստորիային ժողովրդի խնդիրը ստանալուց մինչև երկու շաբաթ պարտաւոր է տեղական գործակալի միջոցով համայնքին ժողովի հրաւիրել՝ իրանց ցանկացած քահանայացուին ընտրելու:

Ծանօթութիւն. — Եթէ Վիճ. Կոնսիստորիայն ժողովրդէ՝ քահանայացուի ընտրութեան համար յարուցած խնդիրը թողնի առանց հետեանքի, չունենալով օրինական հիմք, և կամ մինչև երկու շաբաթը, համաձայն 4-րդ յօդուածի, գործին ընթացք չտայ՝ ժողովուրդը կարող է ըողոքել ու, Եջմիածնի Սինօդին:

5. Քահանայացուի ընտրութեան ժողովը հրաւիրում է տեղական գործակալը կամ նորա օգնականը Վիճ. Կոնսիստորիայի հրամանով: Գործակալը կամ նորա օգնականը բաց է անում ժողովը, նախ բացատրելով ժողովրդականներին ժողովի նպատակն և ապա առաջարկում է ընտրել ժողովի նախագահ և քարտուղար:

Ծանօթութիւն. — Ժողովի նախագահ կարող է ընտրուել նաև տեղական գործակալը կամ նորա օգնականը:

6. Ժողովը վաւերական է համարւում միայն այն դէպքում, երբ ներկայ է համայնքի և կամ եթէ ծխաբաժանութիւն կայ, ծխականների կէսից աւելին, լինի առաջին ժողով թէ յաջորդ:

Ծանօթութիւն. — Ժողովի կանոնաւորութեան վերայ հսկող գործակալը կամ նորա օգնականը պարտաւոր է համայնքի ընտրութեան իրաւունք ունեցողների կամ իսկական ծխականների լեւել ցուցակը ձեռքի տակ ունենալ:

7. Քահանայացուի ընտրութեան փամանակ իւրաքանչիւր անից կարող է ներկայ գտնուել միայն տան մի անգամը, որը 25 տարեկանից պակաս չպէտք է լինի. եթէ տան այր անդամը բացակայ է, կարող է կին անդամը մասնակցել ընտրութեան:

Ծանօթութիւն. — Իւրաքանչիւր իրաւասու ծխական կարող է ունենալ միայն մի աւելորդ ձայն օրինական հաւատարմութիւնով:

8. Քահանայացուն ընտրուած է համարւում, եթէ ստանում է $\frac{2}{3}$ ձայնի առաւելութիւն ներկայ եղողների:

Ծանօթութիւն. — Ընտրութիւնը կատարւում է գաղտնի կամ բաց քուէարկութեամբ, համաձայնութեամբ ժողովականներին:

9. Եթէ քուէարկւում են երկու կամ աւելի թեկնածու, գիտութեամբ Վիճ. Կոնսիստորիայի, ընտրուած է համարւում նա, ով որ ստացել է ձայնի առաւելութիւն, իսկ ձայների հաւասարութեան դէպքում վիճակն է որոշում:

10. Եթէ քաղաքի կամ զիւղի համայնքը ծխաբաժանութիւն ունի, ժողովի են հրաւիրուում միայն այն ծխականները, որոնց համար պէտք է ձեռնադրուի քահանայացուն:

11. Քահանայացուի ընտրութեան համախօսական թերթն օրինական է համարուում, եթէ կազմուել և ստորագրուել է ժողովում քուէարկութիւնից յետոյ և վաւերացրած է գործակալի և ժողովի նախագահի ստորագրութեամբ ու կնքով, հակառակ դէպքում՝ Վիճ. կոնսիստորիայի յետ է ուղարկուում գործակալին՝ պահանջուած կարգով կազմելու ընտրութեան թերթը:

Ծանօթութիւն. — Անգրագէտները տեղ ստորագրում է ժողովի քարտուղարը: Քահանայացուի ընտրութեան արձանագրութեան սկզբում գործակալի կամ նորա օգնականի ձեռքով յիշատակուում է Վիճ. կոնսիստորիայի թոյլտուութեան մատին, նշանակելով թոյլտուութեան համարն և ամսաթիւը:

12. Ծխականները քահանայացուի ընտրութիւնից յետոյ նոյն ժողովում կամ երկրորդ ժողով կազմելով գործակալի կամ նորա օգնականի հրաւերով իբրև շարունակութիւն նախկին ժողովի, որոշում են նաև այն ամեն հասոյթը, ինչով որ պէտք է ապահովեն իրենց քահանայի ապրուստն և թէ քանի ծուխ է տրուում քահանային, եթէ ծխաբաժանութիւն կայ:

13. Գործակալը քահանայացուի ընտրութեան և ապահովութեան համար ժողովականների կազմած օրինական արձանագրութիւնները, ուսման, եթէ չի գտնուում Վիճ. կոնսիստորիայում, ծննդեան, ամուսնութեան, զինուորակոչի և բժշկի (քահանայացուի առողջութեան համար) վկայականները, այլ և քահանայացուի համաձայնութեան ստորագրութիւնը, որ խոստանում է մինչև մահը, առանց տեղափոխութեան հարց անելու, մնալ այնտեղ, որի համար ընտրուած է, միայն ուղարկում է Վիճ. կոնսիստորիային, իսկ եթէ ենթակայ է Հոգ. կառավարութեան՝ վերջինիս միջոցով:

Ծանօթութիւն. — Եթէ քահանայացուն ընտրուում է դիւղի կամ քաղաքի ձեր քահանայի տեղ, գործակալը պէտք է Վիճա-

կային Կոնստանդնուպոլսի ներկայացնի նաև ծեր քահանայի ստորագրութիւնը, որ կամովին խաղառ հրաժարուում է քահանայագործելուց:

14. Եթէ քահանայի մի որեւէ անբուժելի հիւանդութեան զէպքում, որն արգելք է լինում նրան քահանայագործելու, ժողովուրդը յարուցանում է նոր քահանայ ունենալու խնդիր, պարտաւոր է նախօրօք օրինական կերպով ապահովել իւր հիւանդ քահանայի ապրուստը, հակառակ դէպքում նոր քահանայացուի խնդիրը մերժուում է Թեմական իշխանութեան կողմից:

15. Գործակալը Վիճակային Կոնստանդնուպոլսից ստանալով քահանայացուի ընտրութեան հրամանը՝ մինչև մի ամիս պարտաւոր է օրինական ճանապարհով վերջ տալ քահանայացուի ընտրութեան գործին և անմիջապէս ուղարկել Վիճ. Կոնստանդնուպոլսի:

Բ. Փահանայի պատրաստութեան մասին.

16. Այն զիւղերը, որոնք ունին մինչև 300 տուն, պարտաւոր են իրենց քահանայացուն ընտրել այնպիսի անձն, որը գոնէ ունի երկդասեան ծխական կամ միջնակարգ դրպրոցի երկրորդ դասարանի աւարտման վկայական, բացի դրանից նաև այդպիսին պէտք է ենթարկուի լրացուցիչ քննութեան հետևեալ առարկաներից.

ա) Կրօնագիտութիւնից, — եկեղեցւոյ խորհուրդները, աստուածապաշտութեան կարգը, բ) Տօնացոյցի գործածութիւնը, գ) Հայոց և եկեղեցական պատմութիւնից մանրամասն մինչև Ե-րդ դարն և համառօտ մինչև վերջը, դ) երգեցողութիւնից, շարականների և տաղերի անսխալ երգելը համաձայն հնի կամ ձայնագրեալ շարականի:

Ծանօթութիւն. — Գ-րդ դասարանի վկայական ունեցողները նոյնպէս պահանջուում է լրացուցիչ քննութիւն համաձայն 16-րդ յօդուածի:

17. Աւաններում և փոքր քաղաքներում, որոնք ունին 300 տնից աւելի (մատաղաբաժնով), քահանայացուն պէտք է ունենայ առնուազն Թեմական դպրոցի չորրորդ

դասարանի աւարտման վկայական, առանց լրացուցիչ քննութեան:

18. Նահանգական և զաւառական մեծ քաղաքներում քահանայացուները պարտաւոր են ունենալ առնուազն թեմական զպրոցի աւարտման վկայական և նմանապէս չեն ենթարկուում լրացուցիչ քննութեան:

19. Քահանայացուները պէտք է 25 տարեկանից պակաս չլինեն ձեռնադրութեան ժամանակ և ոչ աւելի 45 տարեկանից:

20. Սարկաւազներից և ջահնկալներից պահանջուում է նոյն պատրաստութիւնը, ինչ որ քահանայացուներից:

21. Սարկաւազ կարող են ձեռնադրուել 18 տարեկանից ոչ պակաս:

Գ. Քահանայացուներն ի՞նչ եղանակով պէ՛տ է ձեռք բերեն ուսման վկայական, եթէ չունեն, եւ կամ ենթարկուեն լրացուցիչ քննութեան.

22. Իւրաքանչիւր անձն, ով կամենում է քահանայանալ և ուսման վկայական չունի, պարտաւոր է նախապէս ձեռք բերել այն, դրա համար քահանայացուն խնդրադրով դիմում է թեմական դպրանոցի կամ ս. Էջմիածնի Գ. ձեմարանի վարչութեան՝ խնդրելով իրեն ենթարկել քննութեան, յայտնելով թէ ո՞ր դասարանի, արդեօք Բ. թէ Գ. դասարանի 16-րդ յօդուածում յիշատակուած լրացուցիչ քննութեան հետ միասին, թէ միայն լրացուցիչ քննութեան, եթէ ունի Բ-րդ կամ Գ-րդ դասարանի աւարտման վկայական:

Մանօթութիւն. — Ս. Էջմիածնի ձեմարանի կամ թեմական դպրոցի վարչութիւնը նախ քան քահանայացուին քննութեան ենթարկելը՝ յօդուած դպրոցի ստանում է քաղաքի քահանայացուից տառը ռուբլի, իսկ գիւղի քահանայացուից հինգ ռուբլի, տալով նրանց անդորրագիր. այդ վճարը յետ չէ տրուում քահանայացուին, եթէ քահանայացուն յետոյ չէ կարողացել իւր ցանկացած վկայականը ձեռք բերել իւր անպատրաստութեան պատճառով:

23. Ս. Էջմիածնի ձեմարանի կամ թեմական դպրոցի վարչութիւնը քահանայացուի խնդիրը ստանալուց յետոյ մինչև մի ամիսը նշանակում է քննութիւն և քննութիւնը կատարւում է յատուկ յանձնաժողովի միջոցով, որը բաղկացած պէտք է լինի դպրոցի տեսչից և այն առարկաների ուսուցիչներից, որոնցից պէտք է քննուի քահանայացուն, նոյնպէս և այլ ուսուցիչներից, որոնց տեսուչը կհրաւիրէ:

24. Քննութիւնից յետոյ յանձնաժողովը եթէ արժանի է գտնում, քահանայացուին մինչև երեք օրը տալիս է համազատատախան ուսման վկայական, որտեղ գրւում են բոլոր առարկաներն և յառաջագիմութեան թուանշանները՝ ստորագրութեամբ ամբողջ յանձնաժողովի և վաւերացուցմամբ դպրոցական կնքի. իսկ եթէ ոչ՝ քահանայացուն ստանում է զրաւոր մերժումն:

25. Քահանայացուն կարող է ժամանակի ընթացքում զանազան թեմական դպրոցներում քննութիւն տալ: Եթէ մի տեղ քննութիւն է տուել և վճարել, բայց անյաջող է անցել, նոյն տեղը կամ մի ուրիշ տեղ քննութիւն տալիս նորից է վճարում պահանջուած գումարը:

26. Պետական դպրոցներում սովորած քահանայացուները ենթարկւում են լրացուցիչ քննութեան համաձայն 16, 17 և 18-րդ յօդուածների: